

Usaha menyelamatkan pantai sepanjang 3.4 kilometer di Kampung Tok Jembal

Kerajaan peruntuk RM70.5 juta

KUALA LUMPUR – Kerajaan Pusat akan memperuntukkan sebanyak RM70.5 juta bagi memulihkan semula pantai di Kampung Tok Jembal, Kuala Terengganu dan kawasan sekitarnya ekoran hakisan pantai yang serius.

Pengarah Jabatan Pengairan dan Saliran Terengganu, Ir. C Poobalan berkata, peruntukan projek tersebut telah diluluskan dalam tahun ini dan kerja-kerja memulihara kawasan itu dijangka selesai pada 2016.

“Hakisan pantai Tok Jembal dalam keadaan yang kritikal dan langkah pencegahan sedang dijalankan,” katanya ketika dihubungi di sini semalam.

Semalam satu kajian simulasi ke-lautan yang dijalankan empat tahun lalu oleh penyelidik di Pusat Pengajian Kejuruteraan Kelautan Universiti Malaysia Terengganu (UMT), mendapati hakisan sejauh 42.6 meter dari kawasan darat.

Jika masalah hakisan itu tidak diatasi segera, pantai sepanjang 3.4 kilometer yang bermula dari utara

INFO Langkah pemulihan pantai Kampung Tok Jembal

- Membina empat pemecah ombak luar pesisir
- Membina benteng hakisan
- Melaksanakan rawatan pantai

Kampung Tok Jembal mungkin lenyap daripada peta dek hakisan

KUALA LUMPUR – Satu kajian simulasi ke-lautan yang dijalankan empat tahun lalu oleh penyelidik di Pusat Pengajian Kejuruteraan Kelautan Universiti Malaysia Terengganu (UMT), mendapati hakisan sejauh 42.6 meter dari kawasan darat.

Salah satu kajian simulasi ke-lautan yang dijalankan empat tahun lalu oleh penyelidik di Pusat Pengajian Kejuruteraan Kelautan Universiti Malaysia Terengganu (UMT), mendapati hakisan sejauh 42.6 meter dari kawasan darat.

KERATAN Kosmo! Ahad semalam.

Lapangan Terbang Sultan Mahmud sehingga ke UMT dan turut melibatkan Kampung Tok Jembal akan ‘hilang ditelan laut’ dalam tempoh 15 tahun akan datang.

Poobalan berkata, rancangan mereka untuk mengatasi masalah hakisan itu ialah dengan membina empat pemecah ombak luar pesisir, benteng hakisan terminal dan rawatan penyuburan pantai.

Jelasnya, benteng pemecah ombak adalah sebahagian daripada

sistem pertahanan pantai bagi mengurangkan intensiti tindakan ombak di kawasan pantai sekali gus dapat mengurangkan hakisan pantai atau menyediakan tempat perlindungan yang selamat.

“Bagi benteng hakisan pula, ia adalah satu struktur kejuruteraan pantai bagi membentuk satu tebing yang dapat menghalang aliran air dan mengehadkan pergerakan mendapan.

“Rawatan pantai pula digunakan dengan menanam pasir atau mendapan dalam jumlah yang banyak di pantai untuk menangani hakisan dan melebarkan kawasan pantai,” katanya.

Poobalan menjelaskan, pada masa ini perkembangan projek pengurusan pantai itu kini sudah mencapai 15 peratus namun pembinaan benteng pemecah ombak terpaksa ditunda berikutan musim monsun bulan ini dan ombak besar.

Katanya selain Tok Jembal, beberapa kawasan lain di Terengganu juga menghadapi masalah hakisan tetapi tidak seteruk di kampung itu pada masa ini. – Bernama



SALAH satu bangunan Stesen Kajian Sumber Tenaga Keterbaharuan UMT di pantai Kampung Tok Jembal hanya menunggu masa ditelan laut akibat hakisan serius di Kuala Terengganu, Terengganu baru-baru ini.